

康熙臺灣府志

第

冊

東照宮府志

康熙臺灣府志卷一

封域志

星野 沿革 建置 疆界 形勝 山川 附海道

古者茅土之錫星羅碁布綉壤相錯各有規方毋或
越焉厥後罷侯置守建郡立縣即黑水流沙雕題蠻
齒之方靡不統於一尊時勢然也然幅員雖廣必分
封域其間或仰觀以辨疆畫或俯察以覘勝槩或因
時以審機宜營造肇興而規模悉定延袤莫際而經
理畢周非以飾大觀示無外也亦使後之撫莅斯土
者相陰陽風雨之會知剛柔燥濕之宜用以奠厥民
居增其式廓以壯我

皇圖云爾作封域志

星野

星野之說昉自周官蓋以星土辨九州之地焉臺有
破荒以來不載版圖不登太史星野今屬何從而辨
然臺係於閩星野宜從閩卽以閩稽之福建禹貢揚
州之域天文牛女分野按牛女於辰為丑銀海之屬
星紀之次銀海元武象也星紀吳越分也劉向曰吳
越屬斗牛女分晉隋元志吳越其辰在丑由是而說
者謂臺在泉州之窮南去省會遠矣不宜為銀海之
屬又在漳州之極東去吳越更遠矣不宜為星紀之
次雖曰天覆罔極而至窮南極東星土不無少異遂

有以臺郡分野當在女虛之交者虛元枹之次在子
之辰以臺之稍遠而東遽疑其越次越辰是亦坐井
觀天之見也即不必論天之覆幬而以近事考之明
時澎湖統於泉泉分野非從省會為牛女乎則臺依
泉為牛女今自可無疑矣更以近地考之臺海西界
於漳南鄰於粵而北則閩安對峙漳分野既閩而粵
分野既漳焉有臺之錯壤相接獨不屬之牛女乎唐
僧一行有云星紀當雲漢下流百川歸焉故其分野
自南河下窮南紀之曲東南負海為星紀則臺郡宅
東南分野仍屬牛女又與一行之說相符合近考之時
事遠證之前言旁測之地里紀臺星野終必以牛女

為定衡也

沿革

臺灣古荒裔地也前之廢興因革莫可考矣所得故
老之傳聞者近自明始宣德間太監王三保舟下西
洋因風過北嘉靖四十二年流寇林道乾擾亂沿海
都督俞大猷征之追及澎湖道乾遁入臺大猷偵知
港道紆迴水淺舟膠不敢逼迫留偏師駐澎湖島時哨
鹿耳門外徐侯其樊道乾以臺無居人非久居所恣
殺土番取膏血造舟從安平鎮二鯤身鯤身嶼名隙
間遁去占城占城屬廣南今尚有道乾遺種道乾既
遁澎之駐師亦罷天啟元年顏思齊為東洋國甲螺

東洋即今日本甲螺者即漢人所謂頭目是也彝人
立漢人為甲螺以管漢人引倭屯聚於臺鄭芝龍附
之始有居民既而荷蘭人舟遭颶風飄此甫登岸愛
其地借居於倭倭不可荷蘭人始之曰只得地大如
牛皮多金不惜倭許之紅彝將牛皮剪如繩綫周圍
圈匝已有數十丈地久假不歸日繁月熾無何而鵠
巢鳩居矣彝與倭約而全與臺地歲願貢鹿皮巨萬
張倭嗜利從其約荷蘭人善用砲攻其居臺也以夾
板船為犄角雖兵不滿千而南北土酋咸聽命焉海
濱巨商常往來貿易庚寅甲螺郭懷一謀逐紅彝事
覺召土番追殺之盡戮從者於歐汪歐汪地名即今

鳳山縣仁壽里懷一詭謀何試代為甲螺商民在臺
者被土番殲滅不可勝數而商賈視臺為畏途矣辛
丑鄭成功自江南喪敗其勢日蹙孤軍廈門圍退步
地適紅彝甲螺何試負彝憤逃廈誘其進取臺灣後
來鹿耳門屈曲盤旋沙浮水淺非善水者不得渡時
鄭將至鹿耳水忽漲十餘丈巨艦縱橫畢入豈天假
手於鄭以式廓我

朝無外之疆域也荷蘭與成功戰不利遂退保臺灣土
城歸一王歸一王紅彝帥名以死拒之鄭師力攻不
克環山列營以困之荷蘭勢窮復整夾放船十餘艘
與成功決戰成功因風縱火焚燒彝艦荷蘭大敗然

終無降意成功使人告之曰此地乃我先人故物今
所有珍寶聽而載歸地仍還我兵始罷荷蘭知勢不
敵爰棄城歸成功就臺灣土城居之改臺灣為安平
鎮赤嵌為承天府總名東都設府曰承天府設縣曰
天興縣萬年縣未幾成功死子經居鷺江卽今廈門
成功弟世襲陰有竊拒意經攻逐之世襲渡海歸誠
經嗣立改東都為東寧改二縣為二州設兵撫司三
南北路澎湖各一興市廛構廟宇招納流民漸近中
國風土矣辛酉經死子克塽嗣幼冲在位政出多門
人心已渙康熙二十一年總督姚探知虛實陰齎
劄付到臺離散其左右結縛為露為肉應垂成事洩

為霖遇害越癸亥靖海將軍侯施統率舟師進征
六月由銅山直抵澎湖入軍澳取虎井檳盤嶼克之
克順識天命有歸遂籍府庫納地輸誠於是廷議
設郡建宮制度規模燦然聿新於以徽道一風同之
盛云

附偽藩鄭氏歸降第一表

招討大將軍延平王臣鄭克塽謹

奏伏以論域中有常尊歷代紹百王為得統觀天意有
攸屬

興朝宅九土以受符誠五德之推移為萬彙所瞻仰者也
伏念先世有矢愚忠追懷前代之恩未沾

盛朝之澤是以臣但成功策路以闢東土臣父經錄章而
雜文身每敢負固重險自擬夜郎抑亦保全遭繫孤
栖海角而已迨至先人弛擔稚子承祧常思畏天之
威莫求結地之術茲蓋代造

皇帝陛下高覆厚載仁育義懷成定中邦如旭日升而普
照掃擴六宇雖浮雲翳而乍消萬修文德以來遠人
寧事勝心而焚海內乃者舳艫西下自揣履蹈之履
愆念此氣血束來無非霜露之所墜竊行何敢再逆
革心以表後誠昔也威未見德無怪鳥駭于虞機今
者悟已知迷敢後麟遊于仁國伏願視天地萬物為
一體合象胥寄練為大同遠柔而適能形民固無心

于解飽戴討而服舍依魚有適性于淵泓夫且閱黃
者之海沒豈特誓丹誠以燬目為已哉

第二表 為舉國內附仰冀

聖恩事竊惟臣生自海邦稚穉無識謬繼創垂之緒有乖
傾向之誠適者樓船西來旌旗東指簞壺緩迎于
周旅干羽煩舞于

虞階自省重愆誠為莫贖然思

皇靈之赫濯信知

天命有攸歸逆者亡順者昌延

覆載待物之廣大貳而討服而舍謀

聖王與人之甚寬用遵往時之

成命爰遷此日之

殊恩冀守宋桃以勿失永作屏翰于東方業有修表具
奏外及接提督臣施琅來書以禮居故土不敢主張臣
思既傾心而向化何難納土以輸誠茲特繕具本章
并延平王印一顆冊一副及武平侯臣劉國軒印一
顆忠誠伯臣馮錫范印一顆敬達副使劉國昌馮錫
韓齋赴軍前繳

奏謹稽土地人民特

命境上數千雲之封疆悉歸土宇百餘萬之戶口并屬版
圖遵海而南永息波濤之警普天之下均沾
雨露之濡寶

聖德之漸被無方斯遐區之極負恐後獨念臣全家骨肉
強半孺呱本係南人不藉北土合無乞就近關地方
撥賜田莊廬屋俾免流移之苦且獲養贍之資則蒙
高厚之生成當誓丹青以啣結至于明室宗親格外優
待通邦士庶矜念綏柔文武諸官加恩遷擢前附將
領一體垂仁夙昔仇怨盡興蠲除籍沒產業俱行賜
復尤期廣推寬大之仁明布維新之令使天群情允
愜共鼓舞于春風萬象熙恬同泳游于化日斯又微
臣無厭之請微望

朝廷不次之恩者為此激切具本

奏

聞伏候

勅旨

建置

臺灣濱山阻海居要荒之外頭燕靖閩澎湖屬泉州同安設巡檢守之旋以海天遙阻棄之崇禎間荷蘭人居臺亦舍澎湖惟建台灣赤嵌二城臺灣城今安平鎮城赤嵌城今紅毛樓規制甚小名城而實非城設

市於臺灣城外遂成海濱一大聚落順治間鄭成功取臺灣稍為更張設四坊以居商賈設里社以寓番漢治漢人有州官治番民有安撫然規模不遠殊非壯觀至康熙二十二年鄭我

國朝建置始詳設府一縣三府曰臺營城三縣邑曰臺

營是為附郭

轄十五里四坊曰鳳山轄七里二庄十

二社一鎮一堡

曰諸羅轄四里十十四社地分南北

馬治文事則有令巡道及府廳縣詳載秩官誌修武

備則有總鎮府及副叅遊詳載武備志府庠縣庠廣

文各一正學明倫風布三代設保甲以剔奸詳載規

刑志立汛防以衛民詳載武備志凡所建置皆同人

情而宜土俗制云隆矣法云善矣雖城池未設而千

萬人一心豈不安如磐石固如金湯歟

疆界

唐虞之世弼服五千成周職方氏掌天下之版圖則

疆界不可不辨也臺自建置以來設府一其府治東
至保里大脚山五十里為界是曰中路人皆漢人
西至澎湖大海洋為界亦漢人居之除澎湖水程四
更九程無里錯者人只以更數定遠近一更天約半
程五十里外廣五十里南至沙馬磯頭六百三十里
為界是曰南路幾以內諸社漢番雜處耕種是事餘
諸屯庄多屬漢人北至雅籠山七千三百一十五里
為界是曰北路土番居多惟近府治者漢番參半至
于東方山外青山連南亘北皆不羣教生番出沒其
中人跡不經之地延袤廣狹莫可測識

臺灣縣治附郭除澎湖三十六與

屬有三十六與各